



桃花洞

萬年深十五里兩山竝峙林木蒼鬱土田肥饒

蜀錦亭

府治內慶朔堂之右范仲淹植海棠二株於此鄒柯

築亭

秋香亭

府治內魏兼作亭栽菊於此

廣信府

靈山

府城西北上有七十二峰都之鎮山也道書第三十

三福地多珍木奇卉產水晶

鬼谷洞

鬼谷山入必以燭周四里可容數千人旁一洞洞口狹小昔有人迤邐而入見林木室廬儼然如村落

南康府

五柳館

府城西栗里即淵明故宅

杏林

府城西董奉種杏成林即此

三石梁

廬山上長數丈廣不盈尺杳然無底晉吳猛躡石梁

而度見金闕玉房一老人坐琪樹下杯盛甘露授猛

白鶴觀

府城西北宋為承天觀記云廬山峰巒之奇秀巖壑之怪邃林泉之茂美為江南第一而此觀復為廬山第一蘇子瞻云司空表聖自論其詩得味外味其聲花院閉幡影石幢高此句最善吾嘗過白鶴院松陰滿地惟聞其聲然後知表聖非浪語也

壽樟

建昌邑人李公懋入朝高宗問樟公安否奏以枝葉扶踈歲寒獨秀黃庭堅有記

壽松

建昌泠水觀盤屈奇古又名挂劍松相傳許遜事

九江府府城東梁刺史王編建百花亭

太乙宮

德化宋名祥符觀即董奉杏林也

建昌府府城東北喬松修篁森列交蔭章山

麻姑山

府城西上有瀑布龍巖丹霞洞碧蓮池皆奇境也周四百餘里中多平田可畊道書三十六洞天之一昔麻姑修煉於此

熙春園

府城北宋郡僚游宴之所

武昌府 武昌山

武昌晉時宣城人秦精嘗入山採茗遇一毛人長丈餘引精至山曲示以藁茗臨別復探懷中橘遺精精拈負茗而歸

芙蓉山

蒲圻峰巒秀麗如花

鍾臺山

咸寧上有桃花洞李邕讀書處石室尚存

西塞山

大冶孫策擊黃祖於此張志和漁父辭西塞山前白鷺飛桃花流水鱖魚肥

蘋花溪

咸寧相傳洪崖先生煉丹之地嘗有老姥采蘋於此問之曰吾鮑姑也忽不見

蘆洲

武昌子胥逃江上求渡漁父歌曰與子期今蘆之漪散花洲

大冶周瑜破曹操兵釀酒散花勞軍於此
僊棗亭

府治南舊傳亭前棗樹未嘗實一歲忽有實如瓜太守命小吏采而進小吏私啖之遂仙去又傳太守與侔奕有一異人吹笛來忽不見隨笛聲至樓上惟見

石鏡題詩未書昌字而去故今名昌仙亭

滄浪亭

與國放生池上蓮花彌望夾堤皆垂柳群山環列

有浮屠

漢陽府

桃花洞

府城

一有桃花夫人祠

石榴花塔

府城西北昔有婦事姑至孝一日殺鷄為饌姑食而
死姑女訴之官不能辨隨刑折石榴花一枝祝日矣

若毒姑花即死若坐誣枉花可復生已而花果復生
時人哀之立塔表其事

襄陽府

木香村

宜城唐段成式別業

德安城

桃花巖

自兆山即李自讀書處

黃州府

五祖山

黃梅一名馮茂山即五祖大滿禪師道場山頂有池
生白蓮又名蓮峯

春風嶺 麻城嶺。多梅花。

梅川 廣濟

蘭溪 新州其側多蘭。

雪堂

府治東郡守馬正卿為蘇軾營地數十畝。是日東坡築室其上。以雪中落成。故名。去黃之日。付潘大臨兄弟。

荊州府

絳雪堂

夷陵堂下紅梨盛開。歐陽修造飲。有絳雪尊前舞。何

岳州府

天岳山

平江一名慕阜山。周五百里。石崖壁立。有篆文云夏禹治水嘗至此。產藥百餘種。多怪艸。異木。道書第二十五洞天。

蘭江

澧州又名佩浦地。多蘭蕙。

岳陽樓

府城西門。滕子京建樓。范希文記。蘇子美書。邵竦篆。

稱四絕

細腰宮

華容楚靈王貯美人於此

八桂堂

澧州胡寅記

長沙府

五鳳山

醴陵山形類五鳳上有天花臺

芙蓉山

安化奇峰疊秀狀若芙蓉中有芙蓉洞

桃花江

益陽

橘洲

善化產橘

常德府

綠蘿山

桃源道書第四十二福地

桃源山

旁有秦人洞桃花溪即漢人間津處

橘州

龍陽長二十里即李衡種橘處史記江陵千株橘其人與千戶侯等謂此人與千戶侯等謂此人與千戶侯等謂此人與千戶侯等謂此

采菱城

桃源楚平王築湖中產菱味甘美

蟠桃巷

桃源宋祥符間邑人開地見玉龕光動得大果九枚

識者謂之蟠桃。

辰州府

桃花山

溱浦一名華蓋山昔人嘗種桃千樹至今呼桃花圃。

永州府

青澗

王韶之神境記九凝山半其路皆青松翠竹下夾青澗澗中多黃色蓮花夏秋時香氣盈谷。

芙蓉館

府城東湖上唐刺史李衢建范純仁嘗游此旁有思

范堂張杖書額

承天府

花山

府城東舊傳靈濟祖師過此百艸皆花。

鴻軒

景陵張耒謫居日建其側植薔薇臨別題詩云他年若問鴻軒人堂下薔薇應解語。

鄖陽府

天心山

府城西北一名錫義山方圓百里形如城山高谷深

多異草。相傳列仙所居。

熙春樓

房縣治後園

靖州

青蘿山

州城南烟蘿蒼翠如畫

芙蓉江

通道

郴州

香山

州城南有香木香泉泉味甘且冽

桂水

州城西南

萬王城

桂東萬王未詳世傳王曾寓此階砌尚存旁有修竹

數竿。日夕自仆掃其地而復立。內多桃李實時採食之。味甚甘。但不可取去。或摘而私藏必迷歸路。

四川

成都府

華萼山

內江唐范崇覲兄弟讀書於此明皇時獻華萼賦詔稱天下第一

太華山

彰明

輿錄載黃奉先移家入此山上有牡丹開時

望之如錦幃

西湖 崇慶回環亭館乃一州之勝

房湖

漢州唐刺史房瑄鑿洲島凡數百畝高適杜甫皆嘗
觴咏於此

浣花溪

府城西南一名百花潭任夫人微時見一僧墜污渠
為濯其衲百花滿潭因名曰浣花唐伎薛濤家其旁

以潭水造十色箋

芙蓉溪 羅江

蘭溪 仁壽唐末張鴻隱此

小桃源

簡州天水一碧放目無際春月桃花甚繁

海棠樓 府治西唐李圓建乃僚佐燕游之

瀛洲亭

資縣後園鮮于巽記千巖萬壑顧接不暇

東閣

崇慶府杜甫初表建登東閣以楊定

海棠溪

府治南春月海棠窠窠盛

紫薇亭

府城南南巖上竟叟兄弟讀書處御筆題額

順慶府

海棠川

西克環繞縣治多海棠

叙州府

石門山

府符石門江上產蘭凡數種又名蘭山

芙蓉山

琪縣

海棠洞

長寧里人王氏環植海棠開時郡守拉僚佐晏其下

小桃源

長寧舊傳耕者得一銅牌曰小桃源其上有詩綽約去朝真僊源萬木春要知竊桃客定是會稽人

重慶府

巴嶽山

銅梁上有崑崙洞時產異花

海棠溪

巴縣渝人冶游之地

桃花溪

長壽上有桃花洞

香艸樓

江津舊有仙池一。異人居其側。建樓多。植香艸。

香霏亭

大足昔有調昌守者。求易便地。彭淵才聞而止之。曰。昌佳郡也。守問故曰。海棠。患無香。獨昌地產者。香。故號海棠香國。非佳郡乎。

東坡

忠州治白居易種花於此。又有西坡。亦居易故蹟。

夔州府

西山

萬縣上有絕塵龕。宋郡守馬元穎魯有關於山麓。修池。種蓮。栽荔枝雜果。凡數百本。景物清勝。為夔第一。

岑公巖

萬縣大江之南。石巖盤結若華蓋。左右方池。有泉噴薄巖下。如簾松篁藤蘿蒼蔚蒼翠。記稱神僊窟也。

桃花洞

太平

萬頃池

達州相傳春申君故居也。其地平田可百頃。多花。果園林之勝。

潼川州 桃花水 射洪

方池 安岳陳希夷植蓮於此

眉州 芙蓉溪 青神夾岸多芙蓉

環湖

州治西舊有沼。魏了翁修濬之。西為洞。又西為傳館。館之東為松菊亭。又東北為雪橋。橋東為起文堂。

芙蓉城 即州城也。宋時植芙蓉甚盛。

小桃源 州城南小橋流水花竹夾岸

嘉定府 海棠山 州治西山多海棠為郡僚晏賞之地

鶴州

夾江虞允文子方簡卜居洲旁。多花竹之勝。

雅州 瓦屋山 產安蘿花

寒芳樓 州治黃庭堅題

福建

福州府

黃蘗山

古田其山多桃樹。下有桃塢。桃湖。桃洲。春月不減。武陵。

鐘南山

閩清上有巖曰盤谷。下有橋曰渡。僊產奇花異果。嘗有二人入山。適一叟。後至袖中出芋數枚。相啖。忽不見。但見木葉盈尺。題詩其上。曰。偶與雲水會。不與雲水通。雲散水流後。杳然天地空。

芙蓉洞

府城東北洞口。縈紆可十餘里。游人秉炬以入。

榴花洞

府城外東山。唐樵者藍超。逐一鹿入石門。內有鷄犬。人烟。見一翁謂曰。此避秦地也。留卿可乎。超曰。歸別妻子。乃來。與榴花一枝而出。後再訪之。則迷矣。

桃溪

黃蘗山下有春風微和天。桃夾岸一勝境也。

梅溪 閩清

蟠桃塢 福清白香城北沿嶺西入有此塢

泉州府 梅花山 南安上多梅樹

文圃山 同安上有花圃唐文士謝修讀書處

建寧府 雲谷

建陽廬峰之顛內寬外密自成一區朱熹構艸堂於此即晦菴也有桃蹊竹塢漆園藥圃茶坂泉瀑洞壑之勝。

梅亭

崇安趙抃作令時手植梅於後圃因名

延平府 百花巖 府治東北石壁峭立春時百花如錦

汀洲府 梁山

武平峰勢險峻頂有白蓮池昔士人採茗嘗捫蘿而入見佛像經幢儼然具在後往則迷失故路矣。

興化府 陳岳山

府城北一名蓮花峰上有琉璃院桃花塢燕子洞仙

篆石皆勝境也

穀城山

府城東南與壺公山對峙舊有梅隱松隱竹隱三精舍今惟松隱存焉宋林光朝嘗講道於此

靈雲巖

壺公山之陽上有桃花洞蕪月池泉石奇勝

荻蘆溪

府城東南

木蘭陂

府城南木蘭山下其水自泉之德化未春及禳遊三

邑下合澗谷以溉田

邵平府七臺

府城東南跨汀延邵三郡境上有七臺可登覽山半百花洞乃太師蛻化處也

蓮花峰

府城北峰巒疊秀狀似青蓮

瑞榴亭

邵武縣學宋時有石榴一株士人觀其結實之數以

卜登第。多寡屢驗。

福寧州 蓮花峰 寧德萬朶青翠插天。一邑之勝概也。

桃花洲 寧德旁有鶴林宮。唐初建。

廣東

廣州府 桂陽山 遠州漢桂陽縣以山名。

菖蒲澗

府城北澗中產菖蒲。一寸九節。安期生餌之。僊去。

蓮花寨 增城

花田

府城西平田彌望。皆種素馨花。僞劉時美人莖。此至今。花香甚於他處。

韶州府 涵暉谷

大德鳴絃峰下谷。有晞陽島。飛霞領。凌烟嶂。夢弼巖。桃麓洞。皆勝境也。元結有谷銘刻石上。

柱水 府城西北

桃溪 其德上多植桃

南雄府 桂山 如與慶谷深處家桂清香襲人

梅花村

羅浮飛雲峰側趙師雄遇淡粧素服美人即此

潮州府 桑浦山 揭陽突起海嶺上多奇花異鳥

百花山

惠來四時產奇花有同株而紅紫異色者

南田石洞

程鄉幽遠深邃人跡罕至奇花異果多不知名採於

山者間遇之甘美可食懷歸則往往迷道

東湖

府治東韓山後夏月荷花柳陰為一郡之勝

百花洲 程鄉

熙春園 湖山北宋州守謝尋建

肇慶府 郎官山

陽江上有龍潭深不可測產桃梅諸果甚盛

香山 德慶山有五色石石上多香外

浣花亭 封川郭外西園宋守沈清臣建

雷州府 鹿洲

府城東南海中夏月藕花盛開香聞十里

黎州安無司 清水池 儋州四季荷花不絕臘月尤勝

廣西

桂林府 桂山 府治東北三峯鼎峙舊名越王山多桂

碧蓮峰 陽朔唐有沈彬詩刻石

揚帝塘

府治北桂非澤國惟此與西湖可泚獨秀峰伏波巖對峙其側荷花盛開時香聞數里

八桂堂 府治東北宋守范成大建

柳州府 聖塘山

象州高峻不易登昔有猿人攀藤而上見一池清碧可愛游魚落花宛似僊境

扶疎堂 象州郡人謝氏建竹樹幽深多題句

翠中樓 賓州

平樂府 仙巖 富州洞多桃花旁有碧潭游魚可拍

梅花園 府城東鄒浩記

梧州府 南山

藤縣頂平如砥上有勝地日杏壇日松崖日竹塢

南寧府 五花洲

府城東宋有最安撫者築亭其上扁曰繁陰

雲南

雲南府 玉案山

滇池西北佛刹居多以筇竹為勝禪房花木幽絕寺僧皆持戒清苦其得道者終身未嘗下山游客罕至

靈芝山 富民一名赤巖山產芝五色奇秀

滇池

府城南一名昆明池周五百餘里產千葉蓮史記滇

水源廣末狹有似倒流故曰滇

曲靖軍 木容山 霑益峰巒林木蒼翠如畫

臨漪樓 府城北下瞰蓮沼水天一碧

永昌軍 府城東夏秋藕花盛開

貴州

都勻府 梅花洞 合江司白石齒齒遠望若梅花

外夷

朝鮮國

楊花渡 漢江濱本國餉道

女真

松花江

源出長白山經金故南京城合混同江東流入海

安南

艾山

上有仙艾每春仲開花雨後落水面群魚吐之化爲龍者十九

附錄

占城國

薔薇水

漣衣經歲香不歇

吉貝樹

其花如鷺毳袖其緒紡之可作布

爪哇國

薔薇露

真臘國

金顏香

香乃樹脂雪白者佳

婆田羅樹

花葉實似棗

歌畢佗樹

花似林會葉似榆而大實似李

三佛齊
薔薇水

土人多取其花浸水以代露故多僞者以琉璃瓶試之翻搖數回其泡周上下者爲真

